

مجموعه ابو الضرب

ماسوا شایه سندن دلی تطهیر چالش

پرتو حکمت و عرفان الیه تنویر آتش

هر ماه عربی ابتدایه اون بشده نشر اولور قون مجموعه سیدر

جزو ۴۰ [فی ۱۵ صفر سنه ۱۳۰۲] نسخه سی ۳ غروش

ملقطات تاريخيه

« اور ! فقط ديکله ! »

[اسکی يونانيلرک برضرب مثلى اولان شو سوزک موردی حقهده معلومات تاريخيه در .]

يونانستانک يتشديرديکي اعظمدين بریسیده (تهميستوقليس) در . بوذات ایتام زندکانیسنی وطنک قوه بخریهجه احراز مرتبه کمال ایتمکلکنه وقف ایتمش ایدی .

ایران حکمدارلرندن مشهور کخسرو برقوه کلیه ایله الینوزلر اوزرینه هجوم ایتدیکی صردهده یونانستان کی متفرق حکومتلردن متشکل برهیت اتحادیهنک بوقوه کلیه نك هجماته تاب آور اوله میه جغنی الک اول تهميستوقليس کشف ایتمکله آینه لیلری مملکتی تخلیه ایله سفن حرییه اهرکاب اتمک واصل محاربه یی بحرأ اجرا ایتک ایچون اقناعه قالشمشیدی . کنه یسی فوق العاده برطلاقت لسانه مالک اولغله برابر سرد ایتدیکی اقناعیاتک آینه لیلرجه سلب تردد ایتدیکنی کورنجه هاتقلره مراجعت وآنلرک لسانندن دخی محضا سفائن حرییه ره رکوب ایله احراز مظفریت ایدیله . جکنی خلقه تلقیندن دخی کری طورمامش و نهایت اسماع مرامه موفق اولمش ایدی . بونک اوزرینه (سالامین) لیاننده کی سفن حرییه مشار الیهک قومانده سنه ویرلیدیکی کبی حکومات متفقه نك قوه عمومیه بحریه و بریلری دخی اسپارته لی [اورپی یاد] ک تحت اداره سنه تقویض ایدلدى . اورپی یاد دوتمای سالامین بوغازندن چیقارهرق قوه بریه نك مجتمع بولندیغی (قورینت) برزخته طوغری سوق ایتک فکرنده مصر اولدیغی حالده تهميستوقليس کندى سفائنی اوزرینه هجوم ایلجه ک اولان عجم دوتماسنک اوبله طار بوغازده صورت مطلوبهده مانوره چویره میه جکنی و بناء علیه

غلبه به بدل دوچار هزیمت اوله جفتی پک اعلا بیلدیکندن سردراک بوفکرینه
 شدیداً اعتراض ایلدی. ایکی قوماندان آرسنده کی بو اختلاف تدبیر صورت
 خصوصیه ده حل ایدیه مدیکندن نهایت عموم رؤسای حرب آزمان مرکب
 بر مجلس عمومی عقد ایدلمشیدی. فقط بوراده دخی اورپی یادک اصابت
 رأی تصدیق اولغله ته میستوقلی آکا اتباعه دعوت ایدلمش و حال بوکه
 کنیدی حسابنده محطی اولدینه و آکا اتباع ایدلمک لازم کلسه
 اضمحلال مقرر بولندیغه قانع بولنمندن طار بوغازده یعنی سالامین برزخنده
 محاربه اتمک رأینده عناد درجه سنده اصرار کوستردیکندن مجلسده
 شحاتت خیرانه برغلقویش و اورپی یاد ایه گرک حدت و گرک رأینک
 تصدیق اولنمندن طولانی حاصل ایتدیکی غرور ورعوت ساقه سیله النده
 بولنان عصای سرداری بی اورمق اوزره نه میستوقلیسه طور هجوم
 کوستردیکنده مشار الیه صواب محض اولمق اوزره اجتهاد ایتدیکی برفکرده
 ثبات ایله قوماندانک تهدیدینه قارشى تواضع آلود برطور بی باکانه ایله
 اورپی یادک عصاسنه اظهار سرفرو ایدهرک « اور! فقط دیکله! » کلمات
 سکون آوریله مقابله کوسترمش و بونک اوزرینه آرتق حقنده ارائه شده
 لزوم کورولیه رک بسط ایتدیکی افکاردن رأینده کی اصابت تقدیر اولغله
 دشمنک سلامینده قارشولنمسنه قرار ویرلمش و بناءً علیه یونانلیلر ایران
 سفائتی کاملاً پریشان ائلمشدر.

مزاج بشرده کی غرابته حدود اوله ماز.

یونانستانک یتشدریدیکی اصحاب فضائل میاننده افکار عالیه وعادله سیله
 تمیز ایدنلردن بریسی ده (آریستید) نامنده برذات ایدی. آینه لیلر فضائل فوق العاده سنندن طولانی پرستش ایتدکاری بوذات